

Jems

¹ Nai Jems, Anut inʒanen urat tamol, agod Tubun en Jesus Kristus san dam mi a. Ilo uyan Anut san gugoi 12 tan gidigheid lo dumado den sad na girek en ʒigane yau da.

Kubianek id dabai ipanad da

² O teig muroug, muruan naon dugo dugo yak asini dop ilom uyan oŋ a.

³ Man dugo, aŋ aloŋ ak saen aŋsam ilo rumok kubianek lo digane dan san nuŋon ilom lo igane ilasa dop lo atur sakar pe muruan asini san a.

⁴ Dabai agane dop aŋsam kagin uyanan an, nuŋon uyan uyan ak ilom lo igane ilasa wa, an lo aŋsam ilo rumok idaisuda geig a. Agop fun an lo aŋ itaot atur ak, Anut san kagin kisaek ta lo adu san tia geig a.

Tamol maŋau tia dop igudani wa

⁵ Aŋ lulunʒam lo ta inʒ maŋau uyan ak lo katukan tap, Anut isumiani dop inʒ an ipani wa. Man dugo, Anut tamolpein fidian inʒ dugudani den lo melmel uyanan ak ipidinai da. Inʒ dam tamolpein dusumiani dan ta ipidai na da.

⁶ Ak man inʒ buben fidian Anut mi ipani dop igudani wa, man dugo, tamol buben raru raru den inʒsan ilon nek ibol tim beig ifunip beig yau imul oŋ dak igo ya.

⁷ Tamol naok ago man Tubun en mel ipani wak ago ilon ta isou na wa.

⁸ Inj ilon gidgidad yau dak, inſan kagin fidian dam lo, dal kisaek ta iri na da.

Tamol yaŋad tia, tamol filiad dayak sad ru kagin

⁹ Kris tamol ta inj yaŋan tia man ilon ka uyan a, man dugo, murnap Anut yabisap yaŋak tubun ak ipani wa.

¹⁰ Kris tamol ta inj melmel wei mi aman da man dam ka ilon uyan a, man dugo, murnap inj nek ibol tamol yaŋan tia yak ilasa woŋ a. Anut inj tamol filian anda yak aben tan en lo malan te yak ibisei san ago igane wa, nek ibol garan san ai bob an ilasad itapas yau kisaek oŋ dak ago mi a.

¹¹ Id taloŋ ak, ad tubun idu dan ad luon sakar ak ilasa da. Saen an ai rouk fidian imagar yau dop sad bob ad itapas yau pe leil lo dam uyan tia ya. Nek ago mi tamol inj filian aman da yak inſan urat fidian igane yan yabi idup yen dop ibisei yau a.

Kubianek san fun

¹² Tamol inj itur sakar pe, ate suek lo muruan isini tap inj dam ka ilon uyan a. Inj ate suek an iriŋani pasik tap, Anut inj murnap naon madok pempem san ipani wa, madok an kumaen panu lo yen da. Anut wagam ibol la ya, tamol inj ilon ipani mok tap inj kumaen imadop milaen a, an itout san tia ya.

¹³ Tamol ta ate suek lo idu dop igo ta ibol na wa, “Anut ateg isue da.” Man dugo, aupasek Anut lo ta ipalu na da, agod Anut dam inj tamol aupasek lo ta idirai na da.

¹⁴ Tamol kisaek kisaek aupasek lo diau dudu dan san fun man, inſigned ilo saiak an ilod inŋanep aupasek digane da.

¹⁵ Agop inſan buben imasa yan yaup nuſon aupasek ilasa da, aupasek an yaup tubun mi ilasa dop mateſ ile wa.

¹⁶ Ago yak niſen o, ſai teig muroug, mel en ale dop niſen o sem ta irawan na wa.

¹⁷ Melmel fidian uyanan in kagin fidian itaot ak da sad fudi man lak na dien da, Tamad in an idirai idsad na dudu ya. Patui keit lo dided dumat da. Ak man id Tamad man ago tia ya, in lilaman san, agog dam ta ibilso ibilila na da. In lo man tidom tia, pempem itaot ago mi imado da.

¹⁸ Inſen ilon ibol go, inſan ru rumok an lo, id idiradsig inanen nanuk mok tilasa ya. Ago dugo Anut san melmel igane yan luluſad lo id imug tilasa ya. Nek ibol ai ta malan malan nuſon ifu dak igo woſ a.

Uloſ dop gane

¹⁹ Sai teig muroug, an ru kagin en aloſ uyan. An fidian kududom agurep ru aloſ uyanan, ilo isou agane gup ru abol a, agod tinſaem dam ta saian kisaek oſ na wa.

²⁰ Fun dugo, tamol san tinſae saiak an Anut san kagin uyan ta igane ilasa na da.

²¹ Ago yak niſen o anſam kagin saiak saiak fidian, anſam aupasek san naok naok fidian abiau dop sem ibian adup Anut san ru a bubem lo yen den ilom isoup ari wa, man dugo, ru an in dabai anda, an lo murnap mateſ san saen lo ſutum ka ibinawi wa.

²² Ru an kawan ta aloſ oſ na wa, aloſ dop nuſon dam agane kisaek a. An kawan aloſ oſ tap, sem irawan da.

²³ Tamol ru ilon on dop ta iri na tap, in sen naon tig lo ile igo won a.

²⁴ In sen mitilaen ile wo uyan gup yau a. Ago gug in sen naon dugo yan ilon in aon kisaek on a.

²⁵ Ak man kubiaen Kristus awan lo ilasa yan itaotan geig, agod kubiaen en subanek lo ipasad tilasag kawan tumado da. Enti kubiaen an tig igo won lo naon ilep lo Kristus awan iri dop man, bar in jane wa. Gug in kubiaen an kawan ta iri na wa, tia, Kristus awan ilon gup iri uyanan o maeg igane wa. In Kristus awan ilon pe ilon in aon kisaek on san tia ya, tia, in awan ilon gup ilon san nun on an itaot fo mi igane ilasa wa. Tamol naok an Anut san bar in jane wa.

²⁶ Tamol in ilo isou lo in Anut san tamol ibol dak pempem igudani dak man awan kagin ta ipani na dan in san ilo rumok an kawan a, an lo in sen irawi da. Agog in san ubou leil an dam kawan a.

²⁷ Ubou san kagin ikok agod uyanan da Bai Anut malan lo man igo ya: nanuk bigabeg, pein suos, kaginad tigane dop in sad muruan lo tibinawai a, agod tan en san kagin tile dop bubed ta igane saian na wa.

2

Id tamol yan an tia yan ta tabi idu na wa

¹ Nai teig muroug an idsad Tubun ak Jesus Kristus, kumaen panu san gurman an ilom lo rumok, ago tap man tamol pein yan ad anda yak mi kagin ta apidinai na wa, tia, tamol saiak saiak adi dam kagin apidinai a.

² Tamol ta damag uyan uyan ak idirip anŝam ubou ab lo ipalu dop, tamol ta biouŋ saiak saiak ak idirip dam ipalu wa.

³ Oŋ tamol biouŋ uyan uyan ak idiri an kagin pani wo uyan pe iŋ rupei, “Aben uyanan en ŋanep masi,” ago dop tamol neinta an rupei, “Ago ila utur, tia dop igo tan na ŋieg fun na masi.”

⁴ Aŋ kagin ago agane tap, aŋ luluŋam lo biatitek agane da. Aŋ gurman oŋ alasag anŝiganem ilo saiak saiak lo abititai da.

⁵ Aloŋ, ŋai teig muroug, Anut tamolpein yaŋad tan en lo tia yan yaŋad iŋane wa, agod iŋ ilo rumok lo idaisuda yan ipilianai la ya, an lo Anut dam san madok aben lo filian fidian ipidinai a. Man dugo, fidian enti iŋ niŋedi wo imat den, Anut promis ipidinai ak ago igane wa.

⁶ Ak man aŋ tamol melmel ad tia yan abiai dudu da. Aŋ aloŋ ak tamol melmel wei mi ad da yan aŋ dibiaŋ adu dop muruan dupanaŋ da. Inŝed mi diŋiliaŋ pe gurman naod na atur a.

⁷ Inŝed mi Kristus san yaŋan uyanan ipanaŋ go, lo digiaŋ se yan lo, ru saiak saiak dubol ilasa da.

⁸ Anut san girek lo kubiaen malan te yen dan lo igo ibol, “Oŋse niŋe wo umat dak ago mi, tei murou siŋire na dam niŋedi wo umat a.” Oŋ an rumok uri tap, an nek uyanan mi a.

⁹ Go aŋ aenta ael saiadi dop, aŋ au apas da, an lo kubiaen ibol ago aŋ kubiaen malan asue ya.

¹⁰ Tamol ta kubiaen fidian iri uyan dugo kisaek ipitiŋini tap iŋ kubiaen fidian ipitiŋini mok a.

¹¹ An san fun man igo woŋ. Anut ibol, “Tamol ta sen turan san iwon da aupasek ta digane na wa.” Agog iŋ fon ibol da, “Tamol ta fini imat na wa.” Oŋ

kubiaen kisaek an uri dop, turan ta lo tamol funi imat tap, on kubiaen fidian pitinini a. Man dugo, Anut in sen kubiaen an fidian ibol dilasa ya.

¹² An dugo an inen dop kagin agane wak i? Alon uyan, saen Anut id bitinaek lo idirad an, in malan ipalug turad bubed tupidinai dop iliad o malan ipalu da. Nek fun an ninen o, onsa madok lo kagin ganep mado tap, ilo panek san dal uri wa.

¹³ Saen Anut bitinaek lo idirad dop, talpein a aenta ilon ta imunanai na yan, Anut talpein an ilon ta imunani na wa. Ilo munanek an tubun kasik, an ninen o on Anut ibio udu wo umoi tap, aenta ilo imunanai mok a.

Kagin naok naok en ilo rumok san nunon mok

¹⁴ Nai teig muroug, tamol ta in ibol, nai ilog lo rumok a. Ago ibol ak gug, in san ilo rumok an in anen naok naok lo yan nunon tia ya. Ak dugo, in san ilo rumok nunon an tia yan ka ibinawi wak i? Man tia geig a.

¹⁵ Isop tei murou boi, lu murou boi, in tinid san bioun, tia, agod anan diani san dam tia tap man,

¹⁶ on melmel anan boi, bioun direk san boi, an in lo tia yak ta pidinai na, ago gug rupidaig ubol, “Awo, an ilom maror anda amado. Ilom isoup kulos wananan san ak adiri gup, anan tubun mok ani wa.” Kagin an ta uyan na, agod nunon an tia ya.

¹⁷ Nek ago mi, ilo rumok kawan yen dop in anen naok naok lo nunon tia tap, ilo rumok an imat a.

¹⁸ Ak man tamol ta in igo ibol, “On ilo rumok ama da, gug nai kagin naok naok uyan ak amag da ya.”

Naisag ru naon man igo, “Onsa ilo rumok a kagin naok naok an tia yan kubiai dop nile. Ago dop, nai kagin naok naok uyan ak nigané dan lo naisag ilo rumok nukubiai dop ule wa.”

¹⁹ On Anut kisaek mok an ninen o ilo rumok di? Uyan a, ak man an ta idaisuda na ya. Nek ago mi ur saiak saiak dam ilo rumok lo Anut kisaek dubol go dirut direr da.

²⁰ On burau tamol! On dag nai nukubiai dop ule o boi, ilo rumok naok an nunon tia kawan i?

²¹ Wagan en dugo won Anut in malan lo id tubud baged Abraham iganeg itaot ilasa yak i? Abraham insiganen kagin naok naok lo inanen nanun ifuni imat pe utut fo imarip Anut ilo uyan ipani wo ago igane ya.

²² On ule, insan ilo rumok in kagin naok naok da sisem urat digane kisaek da. Insan kagin naok naok an lo insan ilo rumok ilasa sinjaokan a.

²³ Agog dal an lo ru a girek lo yen dan rumok ilasag ibol, “Abraham in Anut mi ilon lo rumok a, agog insan ilo rumok an Anut ileg ibol, in tamol itaot a.” Ago yak ninen o Anut ibol, “Abraham in naisag turag mok.”

²⁴ On ule yak, an insiganen kagin naok naok amaiak lo man in Anut malan lo tamol itaot ilasa ya. An insiganen ilo rumok lo mi tia ya.

²⁵ Nek ago mi dal san pein Rahab in dam Anut malan lo insiganen kagin naok naok lo itaot ilasa ya. Insen mi ru sinek san tamol ilo uyan ipidinaig idinaig dal senamo lo dusol go diau a.

²⁶ Ago yak ninen o tinid ur an tia man imat a, nek ago mi, ilo rumok urat an tia yan dam imat a.

3

Bale tirni wo uyan a

¹ Nai teig muroug an wei mi girek manau ta alasa na wa. An alon ak man girek manau man aenta lulunad lo Anut san bitinaek dabai mok ak lo mumado wa.

² Id fidian aupasek funfun tigane da. Tamol ta in ninen lo aupasek ta igane na den, in itaotan, agog insen tinin fidian dam ka iturni wa.

³ Saen id bafolo nudun lo kam nanun tiganep tirae tap, bafolo tinin fidian mi itilanip njed abad iri wa.

⁴ Tia dop, wog tubun ak ilom isou. Gidad tim tubun ak ifurep wog an ididip yau a, agod wog an dam tubun mok, gug fei nanunan an nam unbek tamol mi, in ka wog dugo yau o imat dan igirip ago yau a.

⁵ Baled dam nek ago mi, sen ka nanunan a, ak man in dabai a, in ka melmel tutubun ak igane ilasa wa. Yai balen nanunan ak ka imasap dagui tubun ak igane inani yau a.

⁶ Id baled dam yai on a, in tinid san boi lulunad lo kagin sisaiak sad gurman imado da. Baled an kagin saiak saiak funfun igane ilasa da. In iganep tinid ilon fidian nun ipani da. Ago iganep tinid san kagin yai wananan on a, agop idsad turen ilasa saian da. Agod Ades san yai amaiak baled lo yai igane ilasa da.

⁷ Tamol in ka melmel funfun itirnai a, agog wei mi kagin ipidinai la ya. Anakanak, bor kasik, goun kasik, kusen funfun agog beig lo fon da mi a.

⁸ Ak man tamol ta insen balen itirni san tia ya. Balen yaes ta ibal na da, ru saiak saiak ibol yau

wonj da. Injsan balen dam ibol mot wagai ak onj, agod injsan dabai tubun mok an lo tamol ka iginiaia dumat a.

⁹ Id baled lo idsiganed Bai Tubud tabol dan yanjan tabisa da, ago gug afon idsiganed teid taod tupudai saian da. Gug teid taod an Anut idirai dilasag ibol injsen ago mi wonj a.

¹⁰ Ru ilo uyan san in ru saiak saiak da sisem awak kisaek lo mi dilasa da. Najai teig taog, kagin an ta mok ilasa na wa.

¹¹ Ka you ibanaip dal kisaek lo mi, gigen in bulbal da dilasa wak i?

¹² Nek ago mi papai ka anjar lo ilasa wak i? Aria, ka woi lo fud ilasa wak i? Nek ago mi beig lo you mok tinjane san tia ya.

Manjau uyan Anut san na idu ya

¹³ Enti an lulunam lo in kankan milaen anda, agod manjau uyan anda yak i? Tamol ago tap, injsan madok uyan ak lo sen ikubiai dop tile wa. Injsan kankan milaen an nunjon tap, san nunjon man mos kagin. Ago tap, mos kagin an lo urat sensen igane dop tile wa.

¹⁴ Ak man an turak lo aenta eil saian dugo, najai-kagin lo yanjam tubun ilasa wo agane da. Aria, kagin an bubem injanefute tap, se pitiano i ru ta abol na wa. Kabelan sem irawanj dop ru rumok san aben lo ru sewak agane banau.

¹⁵ Kankan milaen naok ago yan sewak a. An kumaen panu lo ta idu na ya. Tia, kankan an tan en san, an Urgun san tia, an ur saiak san mi a.

¹⁶ Man dugo, aben a ate turak susai agod najai-kagin dien dan, ante dam aban pitininek san kagin, agod kagin sisaiak fidian dien da.

¹⁷ Ak man kankan milaen a lak na yak idu yan man igo ya: inſan ilo isou fidian man ikok, inſ tamol maror igansi san, inſ tamol mos an, inſ ilon dabai an tia ya, ilo muſanek tinan, inſan kagin nuſon uyan uyan ak mi, inſ kagin kisaek ak mi iwae dak, agod ru rumok san a.

¹⁸ Tamol a maror digansi dan, maror lo sad ai patun dupae yan, sad urat san nuſon man inſ tamolpein didiraip Anut malan lo itaot dilasa wa.

4

Anut mi awan wabi wa

¹ Fun ata mel niſen o aſ lulunam lo wagai agane dugo nug apei adiri di? Bube imasa san kagin aſ kisaek kisaek ilom lo yen da, agog aſ tinim ilon fidian lo wagai igane dugo mel ta niſen o amat den dam aſane wo da.

² Aſ melmel niſedi wo malam isi dak ta aſane na da. Aſ tamol afu dumat agod inſad melmel apasi asini wo ilom tubun mok imasa da, gug ta aſane na da. Ago agane dan fun dugo aſ Anut ta asumiani na da.

³ Agog saen aſ asumiani dubo man ta ipanaſ na wa, fun dugo aſ asumiani saian da. Melmel aſſiganem bubem lo aganep siganem tinim mi lo urat apani wo da.

⁴ Aſ Anut abisei ak ibol dal dal pein iwon ibisei ak igo woſ a. Aſ ta alon na yak, aſ tan en niſen o amat tap, aſ Anut san ager. Agog tamol enti tan en san turan imado wo tap, inſ Anut patun ipanip Anut san ager igo woſ a.

⁵ Girek an sen kawan ago abol banau, Anut san ru rumok girek lo igo ibol, “Anut inſ tura susai

kagin lo tamol sad ur ilod lo idiri an itargiranig imado da.”

⁶ Ak man binawek Anut id ipanad an san dabai idsad aupasek san dabai irinani a. Ago yan lo girek an igo ibol, “Tamol sed yanad disini den Anut patun ipidinai a, gug tamol sed ibiai dudu den in ilon ipidinai a.”

⁷ Ago yak ninen o Anut paen na au a. Ago dop Satan patum apani wa. Ago tap in an ibisawan pe isol yau a.

⁸ Anut siniren na au dop in an sinirem na ipalu wa. An aupasek tinami, banim afulani. An bubem raru raru amami, bubem akubune pasik pe ikok yen a.

⁹ Ilom idup tina aru agane wa. Ansignem silen an abilisap tina on a. Ilo uyan amoi dop ilo muruan agane ilasa wa.

¹⁰ An Anut naon na sem ibian adu wa, ago dop in an ibiansap lak na iginian a.

Tei tao ta biai dudu na wa

¹¹ Awo, nai teig muroug, nug patun fo anijen amoi. Tamol enti tein patun fo inijen dop tein bitinaek lo igane tap, an ta igane uyan na da. In kubiaen patun fo inijen, agog in sen tamol gurman on ilasag, kubiaen bitinaek lo igane ya. On ago gane tap, on kubiaen paen na man tia ya. Kubiaen an on paen na yen o gane da. An lo on tamol kubiaen ta iri na dak igo won lasa ya.

¹² Tamol kisaek o lian kubiaen ipanad dak ibitiniad a, Anut in sen mi a. In sen mi dabai anda, an lo na kagin ipanad dak agod an dam lo malad isue wa. Ak man onsa ilo isou lo on tubu ubol di? On

urat ta lo onsa tura murou bitinaek lo ta dirai na wa.

Niñeñ lo se yaña ta wabisa na wa

¹³ Aria, ñaisag ru alon, an tamolpein igo anñeñ den, “Gamu boi gabulo boi panu ta tubun geig ak lo taup anañar kisaek tumado wa. Ate tumado dop moni san urat biabi tigane dop sed niñed o moni wei mi tiñane wa.”

¹⁴ Ata wo an ago abol dak i? An gabulo san mel ilasa san an ta alon na ya. Ansam madok dugudo, an man nek ibol kakao ilasap kitekan ka yen dop itout yau kisaek on dak igo won a.

¹⁵ Tia, an igo mi abol a, “Anut inñen mi siganen ilo isou lo, man mumado dop en migane wo, tia, an migane wo, ago ibol dop migane wa”

¹⁶ Ak man an silei kagin lo sem mi abol da, agog yañam asini dugo tubun mi anñeñ da. An ago anñeñ dan saian geig a.

¹⁷ Tamol enti mel uyan ak igane san ilon, go ta igane na tap, kagin naon ago man aupasek anda ya.

5

Filian tamol adi sad ru kagin

¹ Agog gamu an tamolpein filiam amam da yan ñaisag ru alon. Madai funfun tinim lo ilasa wan niñen o ilom saian dop malam turon idu dop asa-sai a.

² Ansam filian fidian igan yau dop tinim san biouñ simirer diani wa.

³ Agop anñam pat fidian dam teirteir lo isuda wa. Teirteir an an tamolpein fidian sam kagin saiak saiak ikubiai dop dile wa. Teirteir an anñam

mudam mi yai inani woŋ a. Fun dugo, tan en san nal wadan lo anŋsam filiami an atumani da.

⁴ Anŋ tamol a anŋsam abi urat digane dan arawaig tinid ta adad na ya. Agog sad padau dam ta alon na ya. Alon, saen dipadaug diwagiŋ an asau mi geig yaug, Anut inŋ enŋel sad Gurman an kududon lo ilasa ya.

⁵ Anŋsam madok tan en lo man melmel funfun amam da, anŋsam madok uyanan, agog anŋ melmel naod lak lak ak idaisuda, agod anŋ dugo agane wo man ka agane woŋ da. Anŋ materŋ san nal inŋ muruan san saen lo dam anŋsem ifutuwanŋ dugo sem tinim bulbal apani uyan da.

⁶ Anŋ tamolpein uyadi ak bitinaek lo adirai dak muruan apidinai dop kadi dam afu dumat da, man dugo, inŋ dabai ad tia yan lo anŋsam dabai an diabiani san tia ya. Ago yak niŋen o muruan tubun ak anŋsam na ilasa wan niŋen o asasai dop atata wa.

Muruan lo atur sakar

⁷ Nai teig muroug, muruan lo atur sakar, ago mi yen yau dop Tubun en ipalu wa. Anŋ ale yak, tamol abi lo urat igane dak inŋsan abi ititianip imado yau dop anaŋ ibes idu da. Inŋ saen milaen mok tok ibol imado dop ui san saen ititiani da.

⁸ Anŋ dam tok abol atur sakar a. Man dugo, Tubun en ipalu wo sumeik da.

⁹ Nai teig muroug, nug patun fo ta anŋurnŋur na wa, kabelan Anut anŋ bitinaek lo idiraŋ banau. Ale, Bitinaek Tamol sumeikan dalawan ate itur da.

¹⁰ Nai teig muroug, Anut san profet ilom isou, inŋ Tubun en yaŋan lo diŋiŋeŋ da. Inŋ muruan inŋ

madai dam disini bo man dile dugo disini wonj se ya, ago yak ninjen o anj dam dal kisaek an ari wa.

¹¹ Tamol a dutur sakar go muruan lo ta dibiakik na dan, id talonj ak, inj ilo uyan san tamolpein a. Anj Job san madok itaot an alonj a. Job saen inj madai ile dop muruan isini se man inj tok ibol imado se ya. Agod injsan wadan a Anut inj ninjen o igane ilasa yan dam alonj a. Job Tubun en ilo panek agod ilo munjanek dam tinin injanefute yan ile ya.

¹² Ak man, naj teig muroug, mel tubun geig man igo, anj Anut yanjan lo boi, ta tan yanjan lo boi, ta mel gidad gidad ta boi lo sinjanem ru dabai ta apani na wa. Anjsam awok man nek mel nunjon ninjen o gup awok abol a, ago dop tia man nek tia mok abol a. Kabelan Anut anj ibitianaanj dop muruan ipananj banau.

Ilo rumok san guduane

¹³ Anj ta lulunjam lo muruan isini di? Ago tap inj Anut san na igudani wa. Dugo, anj ta lulunjam lo ilon uyan di? Ago tap inj Anut yanjan yabisa dop bar yabi wa.

¹⁴ Tamol ta lulunjam lo subam ifuni di? Ago tap midaen sad matu igiaip, dupalup, ninjen o dugudani dop Anut yanjan lo gurenj tinin diamisi wa.

¹⁵ Fun an lo gudanek ilo rumok san, an tamol subam anda yan iganep uyan ilasa wa. Agod gubak mi aupasek igane yak tap, Anut tamol an san aupasek ipasi yau pasik dop ilon ipani wa.

¹⁶ Ago yak ninjen o nug naon na sinjanem aupasek afulale dop nug ninjen o agudani wa, ago dop an lo Anut ikubunianj a. Tamol itaot aman ak san

gudaneƙ dabai tinaƙ, agog dam ka urat dabai ak igane ilasa wa.

¹⁷ Nek ibol Elaija oƙ, Elaija man nek idsed oƙ a. In Anut san na ui ta idu na wo igudani, agog nuƙon ilasa ya. Ui tan na anaƙar utol wadan da, ta isi na ya.

¹⁸ An itout go fon igudani da, agog ui idu dag, tan na anaƙ nuƙon idiri ilasa ya.

¹⁹⁻²⁰ Nai teig muroug, tamol ta aƙ luluƙam lo kagin rumok ak ibisei dop aƙsam ta inaneƙ dal uyan ak lo imul ipalu tap, tamol uyan an tein san ƙutun mateƙ lo yak inane imul a. Aria, kagin en ilom isou wa, tamol enti turan dal saian ak lo itor den ibinawi tap, tamol an turan san ƙutun ta imat na san ago igane ya, agog san aupasek fidian dam imiamai pasik a.

Anut san bilalug foun
The New Testament in the Takia Language of Papua
New Guinea
Nupela Testamen long tokples Takia long Niugini

Copyright © 1999 The Bible Society of Papua New Guinea

© Faith Comes by Hearing

Language: Takia

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2013-12-11

PDF generated using Haiola and XeLaTeX on 18 Mar 2025 from source files dated 31 Aug 2023

757b3e4e-2023-5b45-893a-ee9294ddeb9d